

JASMIN DUVNJAK
delegat u Domu naroda
Parlamenta Federacije Bosne i Hercegovine

Sarajevo, 1.4.2022. godine

**PARLAMENT FEDERACIJE
BOSNE I HERCEGOVINE
DOM NARODA**

n/r gđin Tomislav Martinović, predsjedavajući

Bosna i Hercegovina
Federacije Bosne i Hercegovine
**PARLAMENT FEDERACIJE
SARAJEVO**

Primijeno: 01-04-2022			
Org. jed.	Broj	Priloga	Vrijednost
02	02-	705	/22

**PREDMET: PRIJEDLOG ZAKONA O IZMJENI I DOPUNI ZAKONA O
PRIJEVREMENOM POVOLJNIJEM PENZIONISANJU BRANILACA
ODBRAMBENO - OSLOBODILAČKOG RATA - hitni postupak -
dostavlja se**

Na osnovu člana 187. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), kao ovlašteni predlagač, podnosim, radi razmatranja i donošenja po hitnom postupku, **PRIJEDLOG ZAKONA O IZMJENI I DOPUNI ZAKONA O PRIJEVREMENOM POVOLJNIJEM PENZIONISANJU BRANILACA ODBRAMBENO - OSLOBODILAČKOG RATA.**

Obrazloženje prijedloga da se Prijedlog zakona razmatra i donese po hitnom postupku:

Članom 186. stav 2. Poslovnika o radu Doma naroda Parlamenta Federacije Bosne i Hercegovine, uređeno je pitanje donošenja zakona po hitnom postupku, te je predviđeno da se po hitnom postupku može donijeti zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo izazvati štetne posljedice za Federaciju, predlažem da se prijedlog ovog zakona pretrese po hitnom postupku jer se radi o zakonskim rješenjima koja imaju za cilj eliminiranje postojeće nejednakosti koja je nastala različitim zakonskim rješenjima Federacije BiH, a u vezi isplata penzija ostvarenih po Zakonu o PPPBOR, a da su predložene izmjene jasne, precizne i ostvaruju osnovni ciljevi jednakosti pred zakonom i ispunjavanje osnovnog razloga njegovog donošenja, predlažem da se prijedlog Zakona razmatra i donese po hitnom postupku u skladu s članom 186. Poslovnika. Predloženim zakonom djelimično se eliminira diskriminacija vojnih penzionera.

Delegat

Jasmin Duvnjak

Z A K O N
O IZMJENI I DOPUNI ZAKONA O PRIJEVREMENOM
POVOLJNIJEM PENZIONISANJU
BRANILACA ODBRAMBENO-OSLOBODILAČKOG RATA

Član 1.

U Zakonu o prijevremenom povoljnijem penzionisanju branilaca odbrambeno- oslobodilačkog rata („Službene novine Federacije BiH“, br.41/13 i 90/17),

u članu 14. stav (3) se briše.

Sadašnji stav (4), postaje stav (3), stav (5) postaje stav (4), stav (6) postaje stav (5).

Član 2.

Član 16a mijenja se i glasi:

Član 16a

Korisnicima prava iz ovog Zakona penzije/mirovine usklađuju se i povećavaju svake godine prema odredbama Zakona o penzijskom i invalidskom osiguranju Federacije Bosne i Hercegovine.

Član 3.

U članu 23. riječ član 3. i 4. zamjenjuje se riječima “član 3.”, iza stava, dodaje se novi stav (2) koji glasi:

Prava iz člana 4. ovog Zakona će biti predmet redovne kontrole u skladu sa članom 19. ovog Zakona.

Član 4.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

II-USTAVNI OSNOV

Ustavni osnov za donošenje Zakona o izmjeni i dopuni Zakona o prijevremenom povoljnijem penzionisanju branilaca odbrambeno-oslobodilačkog rata sadržan je u članu III 2.e), a u vezi sa članom III. 3. (3) i (4) Ustava Federacije Bosne i Hercegovine („Službene novine Federacije BiH“, broj: 1/94), prema kome Federalna vlast, kada se radi o zakonima i drugim propisima koji su obavezujući na području cijele Federacije Bosne i Hercegovine ima pravo utvrđivati politiku i donositi zakone u oblasti socijalne politike u koju spada i ova oblast.

III OBRAZLOŽENJE POJEDINIH ODREDBI ZAKONA

Član 1.

U Zakonu o prijevremenom povoljnijem penzionisanju branilaca odbrambeno- oslobodilačkog rata („Službene novine Federacije BiH“, br.41/13 i 90/17),

u članu 14. stav (3) se briše:

Sadašnji stav (4), postaje stav (3), stav (5) postaje stav (4), stav (6) postaje stav (5).

Obzirom da je dosadašnjim propisom ratnim vojnim invalidima rokom ograničeno pravo na podnošenje zahtjeva za uvođenje u pravo čime su lica koja su propustila rokove iz bilo kojih razloga (zaposlenje, neobavještenost o pravima, postupak utvrđivanja procenta invalidnosti u toku i sl.) čime se takvim potencijalnim korisnicima uskraćuje pravo po Zakonu.

Brisanjem stava (3) u članu 14. otklanja se postojeća diskriminacija.

Član 2.

Član 16a mijenja se i glasi:

Član 16a

Korisnicima prava iz ovog Zakona penzije/mirovine usklađuju se i povećavaju svake godine prema odredbama Zakona o penzijskom i invalidskom osiguranju Federacije Bosne i Hercegovine.

Izmjene koje su donesene po Zakonu usvojenom i objavljenom u Službenim novinama FBiH broj 90/17, usvojena norma u članu 16a je u koaliciji sa kasnije usvojenim Zakonom o PIO/MIO objavljenim u Službenim novinama broj 13/18 čime su korisnici penzija po Zakonu o PPPBOR diskriminirani i kroz posljednja usklađivanja znatno oštećeni.

Naime odredbom postojećeg člana 16a Zakona o prijevremenom povoljnijem penzionisanju branilaca odbrambeno oslobodilačkog rata, propisano je da se korisnicima prava iz člana 3. i člana 4. stav 5. Zakona, penzije usklađuju svake godine prema porastu indeksa potrošačkih